

Uunga siunnersuut:**Utoqqaat illersuisuat pillugu Inatsisartut inatsisaata allanngortinnissaa pillugu
Inatsisartut inatsisaat
(Allattoqarfiup allanngortinnera)****§ 1**

Utoqqaat Illersuisuat pillugu Inatsisartut inatsisaat nr. 37, 28. november 2019-imeersumi makkuninnga allannguuteqartoqassaaq:

1. § 9 imatut allanneqassaaq:

” **§ 9.** Utoqqaat illersuisuata allattoqarfissaa pilersinneqassaaq.

Imm. 2. Allattoqarfik aqutsinermi allaffissornikkut suliaqassaaq aamma suliamut tunngasunik Utoqqaat illersuisuannut ikiuuttassalluni.

Imm. 3. Ulluinnarni allattoqarfimmi atuuffimmik isumaginnittussamik Utoqqaat illersuisuat sulisussamik atorfinitsitsissaaq.

Imm. 4. Suliassanik aalajangersimasunik isumaginnittussanik inunnik sulianik aalajangersimasunik isumaginnittartunik piffissamut killilikkanik atugassaqartitsisoqarluni atorfinitsitsisoqarsinnaavoq.

Imm. 5. Allattoqarfimmi atorfillit atugassarisanut aamma atorfininnernut pissutsit sinnerinut, atorfininnerup nalaani pissutsinut soraarsitaanernullu tunngatillugit aalajangersakkanut, Namminersorlutik Oqartussat qitiusumik allaffeqarfiata ataani atorfeqartunut qaqugukkulluunniit atuuttunut ilaapput.”

2. § 16, imm. 2, atorunnaartitaavoq.

§ 2

Inatsisartut inatsisaat ulloq 1. januaari 2022-mi atuutilissaaq.

Namminersorlutik Oqartussat, ulloq xx. xxx 2021.

Múte Borup Egede